

(ciep banj daeuz)

Nanzningz Si Liengzging Gih Banzlungz Segih dwg aen segih lai minzczuz comzyouq ndeu. Siz Ginbingz daeuj daengz segih dangjginz fuzvu cunghsinh, dingq boux guhhong dangciengz gaisau cingzgvang mizgven haiguh cawjdaez gyauyuz, coihawj bienh minz leih giyez, banh hozdung miz daegsaek minzczuz daengj, haengjdingh gij guhfap gyoengqde dingjmaenh dangjen yinxlingx comz rengz, fuzvu guh goek coi hwnghat. Youq fungh vwnzdij hozdung, de yawjngonz gyoengqvunz segih lienh raiz saw, habciengq fwen, caeuq daihgua ganggoj vanyad, gujli segih yungh ndei vunzcaiz, ciengzdieg daengj swyenz, haiguh engq lai vwnzva hozdung doiq ndang ndei, miz dungxcaiz de, yungh neix gikfat naengzliengh cingq engq lai. Siz Ginbingz vixok, segih dwg aen gihbwnj danhyenz gihcwnghz gagguenj, dwg gij giekdaej gihcwnghz aen dijihi ceihleix guekgya. Doenggvaq segih aen bingzdaiz neix, banh ndei “it laux it saeq” daengj saeh bouxminz caeuq hongsaeh daihgua, gaenxmaenx hoizwngq vunzlai gvansim, dwg gijndei yienhda gihcwnghz ceihleix miz daegsaek Cungguek, aeu yungh ndei gijndei neix. Hwnqguh aen segih lai minzczuz vunzlai doxgyaux, dwg diuzroen youqgaenj coicaenh gak cuz vunzlai doxgyau doxyungz. Gvangjsih hwnqguh aen dieg yienghndei couqmaenh gij eijsik caezcaemh Cunghvaz Minzczuz, aeu daj gihcwnghz segih hainduj guh, doenggvaq hwnqguh aen segih netsaed, gij fuzvu segih ndeindi, hozdung segih lai, cauh’ok gij heiqfaenh noengznwd gak cuz bouxminz ranz vunz ndeu, aeu guh minzczuz doxgiet engq ndei bae.

Mwh lizhai segih, gak cuz vunzlai yiedcingz soengq cungjsuhgi, Siz Ginbingz caeuq daihgua naeuz, gou ngoenzlwenz bae Yeznanz camcunz gueksaeh liux, doq daeuj Gvangjsih gaujcaz diuyenz. Cauhlaeb aen gungdungzdij minghyinh Cungguek Yeznanz miz canloz yiyei, yaek engq mizleih Gvangjsih haicuengq hwnghat, aen Gvangjsih maenghndei baihnaj ronghsag. Gvangjsih dangguh aen dieg gagguenj guek raeuz gyaeujvunz siujsoq minzczuz ceiq lai, gak cuz bouxminz dinggyaeuj caemh aenmbwn, caemh ndaem doengh naz ndeu, caemh gwn dah raemx ndeu, caemh hwnq aen gyaranz ndeu. Cienzmienh hwnqguh aen guekgya yiengh yendaiva sevei cuji, mbouj ndaej noix saek aen minzczuz. Maqmuengh segih gak cuz vunzlai lai baedauq, daihgua doxbang doxcoengh, gyau lauxdoengz, guh ranznden huzndei, caezcaemh hwnqguh aen gyaranz vuenyungz.

14 hauh banringzgvaq, Siz Ginbingz daengz Laizbinh Si gaujcaz diuyenz. Youq Dieggoek Ndaem Oij “Song Sang” Ndei Vangzanh Suen Canjnieb Nungzyez Daihneix Guekgya, Siz Ginbingz cazyawj ndoeng oij fanh moux caeuq yungh gihgai guhhong, dingqaeu dieggoek cingzgvang gaisau. De byaij haeuj ndoeng

oij, ciengzsaec roxyiuj gij dinfwnghz ganq ceh ndei, caeuq boux ndaem oij, boux hai gihgai nem boux vunz gisuz dajndaem ganggoj vanyad. Siz Ginbingz vixok, Gvangjsih dwg aen dieg cujyau ndaem oij guek raeuz, aeu guh hung guh ak aen canjnieb gijndei miz daegsaek neix, vih baujcaz guekgya dangzyez ancienz, coicaenh boux ndaem oij laisou baenzmiz fatok cozyung engq hung. Aeu gaenxmaenx gungganq caeuq doiqvangq ceh ndei, daezsang gihgaiva guhhong suijbingz, hwnqguh ndei suen canjnieb nungzyez daihneix. Aeu damqra laebbaenz aen gihci doxgiet leih’ik engqgya onjdingh, hawj gyoengq bouxguhnaz caezyungh gij cingzgoj lajmbanj gaijgwz caeuq hwnghat. De maqmuengh gyoengq beixnuengx ndwenngoenz van lumj dangz nei.

Riengzlaeng, Siz Ginbingz daengz Laizbinh Dunghdangz Fungvangz Mizhanh Gunghsw h gaujcaz. De haeuj aen cehgen guhhong cazyawj dinfwnghz guh dangz caeuq aen liuzcwnghz guhhong, youq gunghsw h aen ding langhbaij roxyiuj dangzyez canjbini cungjloih caeuq hawciengz faenngeg nem hwnghat byaijiengq. De daegbied naeuz, guek raeuz dangzyez bungq gozci doxceng haenqrem, aeu ciuq gij iugouz gauhdonhva, cinwnghzva, saekloegvaq, gyalai rengz gohgi cauhmoq, ietraez diuzlien canjnieb, daezsang gyaqcienz nemgyonj, mboujduenh daezcaet, noixgoek, demyauq, doidoengh hwnghat ndei saed. Mwh lizhai giyez, Siz Ginbingz caeuq gyoengq boux guhhong daeuj soengq de naeuz, dangz dwg gaiqgwn saejdaeuz youqgaenj, daihgua vihneix gaenx hong, soengq gij “van” bae hawj cien ranz fanh ranz. Maqmuengh daihgua mboujduenh hag dinfwnghz moq, yungh dinfwnghz moq, vih dangzyez hwnghat ok goengrengz moq.

15 hauh banhaet, Siz Ginbingz dingqaeu gij bauqlwnh hong Gvangjsih Bouxcuengh Swcigh Dangjveij caeuq Cwngfuj, haengjdingh gij cingzcek Gvangjsih guh gak hangh hong aeundaej haenx.

Siz Ginbingz vixok, doidoengh Gvangjsih hwnghat ndei saed, aeu guh ndei bien faenzcieng canjnieb ak, gyavaij cauhlaeb aen dijihi canjnieb yiengh daihneix. Aeu laebdin swyenz ndei lai caeuq canjnieb giekdaej, comzyawj canjnieb gijndei, comz swyenz gijndei, dajcauh canjnieb cengjdingj lai aen yienh’ok gij daegsaek caeuq gijndei Gvangjsih, baenz gveihmoz haemq hung caeuq miz rengz daiqdoengh haemq ak de. Baij gohgi cauhmoq youq diegvih engqgya doedok, laegdaeuz gyauyuz gohgi vunzcaiz cunghab gaijgwz, gyagiengz gohgyau cauhmoq caeuq canjnieb cauhmoq yungzhab, gyagiengz gungroengz gij dinfwnghz haedsim gvanhgen, gyalai rengz gaijcauh dinfwnghz caeuq canjbini swnggaep. Cungfaen leihyungh gijndei henz haij henz dah, haenqrengz hwnghat haijyangz ginghci, henz gangj canjnieb, gyavaij diuzcingj guhndei canjnieb gezgou, doidoengh aen dijihi

canjnieb saekloeg cienjhingz, hwnghat guh hung linzyez canjnieb, vwnzlij canjnieb, ciengxlaux canjnieb, ndangcangq canjnieb, hawj gijndei swnghdai mboujduenh cienjvaq baenz gijndei hwnghat.

Siz Ginbingz daegbied gangj daengz, Gvangjsih aeu laebdaeb gyalai doiqndaw doiqrog haicuengq. Aeu demgiengz ndaw rog lienzdoengh, cauhlaeb aen dijihi ginghci yiengh haicuengq miz rengzhoengh engq lai. Cawjdoengh fuzvu aen canloz hungnaek guekgya, doxciep aen baijbouh moq canjnieb gizdieg fatdad henz haij, miz bouhloh cienzswnj canjnieb baenz mbaek bae cienjsen, gyavaij Dieg Ginghci Bwzbuva h caeuq Rangh Ginghci Cuhgyangh—Sihgyangh hai-fat haicuengq, dajcauh Gvangjsih baenz aen diegdungx canloz youqgaenj Yez Gangj Au Davanhgih. Aeu caezhwnq diuzroen moq luzhaij baihsae, saedhengz buek hanghmoeg giekdaej sezsih gyauoeng hungnaek ndeu, hwnqguh Bingzlu Yinhoz biucin sang, caetliengh sang bae, suijbingz sang dajcauh Bwzbuva h gozci mwnzhugangj, daezsang dah dietloh haij lai yiengh lienzyinh caeuq swdung’va suijbingz. Gaenxmaenx fuzvu hwnqguh aen gungdungzdij minghyinh Cungguek—Dunghmungz, sanghmou, guhhong, canjnieb, gohgi, gyauyuz daengj dieg laegdaeuz gya’gvangq caeuq Dunghmungz guekgya doxgap, dajcauh aen dieg bienhleih guenjgu hawciengz doxhop ndaw guek rog guek, gyalai doxyungz caezhwnq “it rangh it loh”.

Siz Ginbingz vixok, saenqhwngh lajmbanj dwg aen gunghcwnghz giekdaej hwnqguh aen guek ak nungzyez, aeu doeksaed gviveh, netsaed doicaenh. Aeu cienzmienh doeksaed haeuxgwn ancienz caeuq dangj cwng caemh cwzyin, dingjmaenh najdieg onj, canjliengh gya song fwnghz ok rengz, saedyienh haeuxgwn bingzyaenx demlai. Fatok gijndei Gvangjsih mak byaek doihduz dangz daengj miz daegsaek swyenz lai, haenqrengz hwnghat gij canjnieb nungzyez miz daegsaek daihneix, hawj engq lai nungzyez binjbaiz “Hauh Cih Gveiq” daengx guek mizmingz. Mboujdan gujli ngaenzcienz gunghsangh roengz mbanj, youh aeu gaemmaenh daejsienq, fuengz ciemqyungh reihnaz mbouj ndaem doenghgo gaiqgwn, mbouj guh dajndaem. Gyavaij laebcaez aen dijihi ceihleix lajmbanj, gaijndei lajmbanj giekdaej sezsih, gunghgung fuzvu, vanzging vunz youq, daezswng yiengh daengx aen mbanj caeuq gij binjcaet ndwenngoenz bouxguhnaz. Gyamaenh gya’gvangq gij cingzgoj vut gungz gunggeng, laebbaenz aen gihci bangfuz ciengzsez gyaeujvunz souhaeuj noix lajmbanj, fuengz bienq dauq gungz lai.

Siz Ginbingz daegbied gangj daengz, Gvangjsih aeu dawz couqmaenh gij eijsik caezcaemh Cunghvaz Minzczuz dangguh diuz sienqmeh gak hangh hong swcigh, dangguh aen fuengyiengq gaenbonj doicaenh hong

cauhlaeb minzczuz doxgiet baenaj, aen gizmen ndei gyamaenh hwnghat gak cuz bouxminz doxgiet buekguh. Aeu laebdaeb caprag couqmaenh gij eijsik caezcaemh doeksaed daengz ginghci, gyauyuz, couhnieb, hwnqguh segih, hwnqguh vwnzva caeuq hwnqguh aen doih ganbu daengj hangh hong bae, minzczuz doxgiet baenaj aeu laebdaeb byaij youq daengx guek baihnaj. Aeu caenhrengz bae guh, yawj rengz bae guh, dingjmaenh mbouj vut, roengzrengz gaijgwz ndei couhnieb, gyauyuz, ywbingh, ranzyouq, ciengxlaux, bang dawz lwngyez daengj minzswng h vwndiz, cugciemh sukding hawsingz lajmbanj doxca, gizdieg doxca, minzczuz doxca, netsaed doicaenh caezcaemh baenzmiz. Laebdaeb doicaenh aen hengzdoengh hwnghat bien fouq minz seizdaih moq.

Siz Ginbingz vixok, dingjmaenh caeuq gyagiengz dangj cienzmienh lingjdauj, dwg gij baujcingq gaenbonj guh ndei gak hangh hong. Aeu giengiet gvancez doeksaed gij anbaiz baijbouh Dangjcunghyangh, gyagiengz hwnqguh aen banhsuj lingjdauj, mboujduenh daezsang suciz caeuq naengzlig aen doih ganbu, gikcoi dangjyenz ganbu guh guen seuqcengh, guh saeh seuqcengh. Buek daihngie h cawjdaez gyauyuz daengz satbyai, aeu hainduj ndei gietsat goj ndei, laebbaenz laebndei aen gihci ciengzgeiz baengh hag couq hoenz, baengh hag dem uk, baengh hag cingq rumz, baengh hag coi guh.

Siz Ginbingz daegbied gangj daengz, rieng bi gyaeuj nienz, gak gaep dangjveij caeuq cwngfuj aeu cietsaed guhndei hawciengz gungwngq, minzswng h baujcaz, guh saeq ca ndei ancienz guhhong, haeujrwz gaijgez aen vwndiz yiemq cienzhong nungzminzgungh, baujmaenh bouxminz vunzlai ngoenzciet angqangq yangzyangz. Geij ngoenz neix, guek raeuz Vazbwz, Vangzvaiz daengj dieg miz nae naek, yingjyangj daengz bouxminz vunzlai gvaqngoenz guhhong, gak dieg, gak mizgven bumwnz aeu lai haeujsim, yungh banhfap rengzrwd, roengzrengz hawj caihaih yingjyangj ceiq noix.

Cunghgung Cunghyangh Cwngcigiz cangzveij, Cunghyangh Bangunghdingh cujyin Cai Giz buenx gaujcaz.

Vangz Yi, Lij Gangez, Hoz Lizfungh, Vangz Siujhungz caeuq cunghyangh nem guekgya gihgvann mizgven bumwnz boux fucwz dungzci buenx gaujcaz, Cawjdaez Gyauyuz Cunghyangh Daih Cib’it Cunzhoiz Cijdaucuj boux fucwz dungzci camgya hoi h bauqlwnh.

12 nyied 15 hauh banhaet, Siz Ginbingz youq Nanzningz ciepraen cap Nanzningz budui sang’ yau doxhwnj lingjdauj ganbu, daiyauj Dangjcunghyangh caeuq Cunghyangh Ginhveij caensim camnai daengxcungq guen bing cap Nanzningz budui, caemhcai q caeuq daihgua hab’ingj louzniemh. Cangh Youyaz buenx ciepraen.